

Communicaziun a las medias dals 28 da november 2023

## Nov manader per la clientella instituziunala da la BCG

**La Banca Chantunala Grischuna (BCG) ha creà dacurt il sector autonom «clientella instituziunala». Quel è responsabel per las cassas da pensiun, las societads d'assicuranza e las fundaziuns. Il nov sector vegn manà da Jon Fadri Pitsch che ha cumenzà sia piazza tar la BCG il settember 2023.**

Jon Fadri Pitsch ha 41 onns ed ha studegià economia da manaschi. Silsuenter è el sa perfecziunà cuntinuadamain sin il sector da las finanzas ed ha terminà sias scolaziuns cun il diplom federal d'analiticher da finanzas e d'administratur da la facultad (CIIA). Ultra da quai ha el pudì rimnar blers onns experientscha pratica en la cussegliaziun e la tgira da la clientella instituziunala, quai surtut en ils champs cussegliaziun strategica, asset management, global custody e gestiun da la liquiditad. Avant che cumenzar tar la BCG ha el lavurà en il segment instituziunal da la Credit Suisse sco vicemanader da la regiun Svizra Orientala e sco manader dal martgà grischun. Jon Fadri Pitsch è creschì si en l'Engiadina ed abita cun sia famiglia a Cuira.

«Cun Jon Fadri Pitsch avain nus pudì gudagnar in expert versà sco nov manader dal sector da la clientella instituziunala. El ha las abilitads, la rait da contacts e l'experientscha necessaria per sviluppar vinavant ensemen cun ses team questa gruppa da clientella impurtanta», di Pascal Pernet, commember da la direcziun generala da la BCG e manader da l'unitad da fatschenta Martgads.

Dapli davart ils servetschs per la clientella instituziunala sin [gkb.ch/insti](https://gkb.ch/insti)

### Contact:

Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

Banca Chantunala Grischuna, chascha postala, 7001 Cuira | [medien@gkb.ch](mailto:medien@gkb.ch) / [gkb.ch/medien](https://gkb.ch/medien)

### Banca Chantunala Grischuna.

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. L'interpresa cun sedia principala a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadadad al Grischun exprima ella en moda multifara. Ultra da sias activitads economicas s'engascha ella cun ses sponsoradis, ses fond da contribuziuns e sias purschidas per lavur voluntara.

La BCG dispona da participaziuns da maiortad a la Banca privata Bellerive AG, a l'Albin Kistler AG ed a la BZ Bank Aktiengesellschaft e d'ina participaziun da minoritad a la Twelve Capital Holding AG. Il scrit da participaziun BCG è quota a la bursa dapi il 1985.